



Tauke **Woodydolly**

Oleh Khairunnisa
Kamarudin
nisa.kamarudin@
bharian.com.my

■ Kuala Lumpur

Bagi Nur Aqilah Mohd Fauzy, segalanya bermula dengan mengambil tempahan kek dan pastri secara kecil-kecilan dari rumah pada tahun 2011 selepas tamat menduduki peperiksaan Sijil Pelajaran Malaysia (SPM).

"Pada mulanya, saya hanya mengambil tempahan sewartu cuti semester ketika mengikuti pengajian diploma. Bermula akhir tahun lalu hingga awal tahun ini pula, saya mulai berniaga di bazar, pesta mahupun karnival untuk usahawan muda Johor.

"Bagi meluaskan lagi pasaran, saya juga pernah menghantar kek dan kiskut keluaran sendiri ke kedai mahupun butik yang menawarkan konsep vendor," katanya.

Ditunjang minat mendalam terhadap bidang keusahawanan dan kemahiran untuk berdikari, Nur Aqilah kemudian menjadikannya perniagaan separuh masa di kampus apabila melanjutkan pelajaran ke Universiti Malaysia Pahang (UMP).

Usahawan dipercayai
Mahasiswa Ijazah Sarjana Muda Kejuruteraan Kimia itu berazam untuk terus mengembangkan perniagaan The Woodydolly Enterprise yang turut dibantu oleh



Nur Aqilah (kanan) bersama-sama rakan kongsi dan produk The Woodydolly Enterprise.



rakan kongsi, Muhammad Syukur Norman.

"Saya bersyukur kerana mendapat sokongan moral dan bantuan modal daripada ayah, Mohd Fauzy Abdullah, dan ibu, Musaini Yussof, yang tidak jemu memberi nasihat sejak dulu hingga sekarang, selain abang dan kakak," katanya.

Walaupun bidang pengajiannya tiada kaitan dengan jenis perniagaan dijalankan, Nur Aqilah berkata, beliau memang berita-cita menjadi usahawan berjaya.

"Saya melanjutkan pelajaran ke peringkat ijazah sarjana muda supaya menjadi usahawan yang dipercayai, yakni pelanggan dan pesaing tidak perlu meragui kredibiliti diri saya," katanya.